

苗疆見聞錄稿

地 780  
895.1



光緒四年 菊秋

苗疆聞見錄稿

義寧徐家幹



序  
同治辛未歲余罷禮  
部試南歸負管游  
湖南訪陳有銘又求  
正沙學乃命赴援  
黔桂穀莖練習軍

子既至營席一公以  
疾歸遂入其部將  
幕又子但苦常字書  
記越明年苗匪肅  
清以歸又分統  
其名曰旌施洞台改稱



致新營何留余部  
蘇營務師利出入慶  
後不從其一向地勢阻深  
錯接於鎮遠黎平者  
勻各都屬境用環千  
里聲最軍通一鎮正乾

降向用置只應設官  
臨活亦考位狗仗  
異編說乞脫西南  
義失祀武標吉無陰但  
丁者或甲則固其生  
性然也軍旅餘向略



如詢考之昔情所  
其甚同異亦就耳  
龍目時隨筆一記之  
曰苗疆聞見錄外  
敢自矜之義也亦謂  
可敬誇矣言之沙已

經聊出為講時務在  
備、說不為先緒四年  
秋九月、素亭、沐家  
韓識于貴州施洞  
軍子次



苗疆圖見錄卷之上

義寧徐家幹稚孫稿



鎮遠府

鎮遠府武陵郡西境明永樂中開設貴州改而隸之在貴州東三百八十里距湖南沅州三百三十里鎮遠縣附之北倚石崖山屹立如屏南臨鎮陽江源出黃平州金鳳山北經施東過府城而東下沅四百餘里入於沅江亦名洪江亦曰澧水又名

卷上

鎮遠河灘多水急自府城舟行至沅約水程三日泝流而上則不可以日計隔江南岸為衛城鎮遠鎮駐之衛城南境為苗疆咸豐間苗叛出据府衛兩城楚黔驛道久為之梗同治六年冬席公寶田接辦湖南援黔軍務先平石旰教匪移兵南路至己巳春由寨頭進軍規復而東西乃以漸達周瑛曰欲通雲貴先守鎮遠可以知控扼之要矣



施秉縣

施秉縣原在府南夷地明萬曆中清江苗叛結連播酋楊應龍四出焚掠乃遷縣治於偏橋以避之東距府城六十里左倚高山右臨溪水方輿紀要苗夷有警必急扼偏橋形勢最為緊要

卷上

二

黃平州

黃平州古蠻夷地舊號狼洞明洪武中苗叛傅友德平之因置興隆衛距鎮遠百二十里國朝康熙二十六年移州治此資控禦南境蠻獠錯處興施秉凱里各苗並稱獠悍曰黃飄曰白堡曰甕板曰壘塢曰上大坪其最著也



台拱廳

台拱廳為鎮遠同知分駐之所雍正間苗平設以  
控制苗夷者在府治南百二十里廳西北九股河  
一曰小江自丹江流入一注清水江沿河以居者  
曰九股苗曰橫披苗統呼之曰黑苗最稱獷悍迨  
西而北而東山峰屹立廳南烏堯坡高數百仞山  
峻溪深寸步百險西南平行烟火萬家南冬南省  
南兌南堯腮隴桃瀨等苗寨形如棋布皆黑苗種

卷上

三

類其西琴邦寨實扼其要正西之交農坡馬潘坡  
尤資控制据此以臨城建瓴勢也咸豐間桃瀨苗  
酋張臭迷南省苗酋姜老拉窩據廳城分立堅卡  
守禦極稱險固



清江廳

清江廳在鎮遠府東南百六十里吳台拱東境接  
壤理苗通判駐焉南倚高山北臨清水江形勢亦  
稱險阻廳屬清江苗亦曰青苗咸豐間苗叛盤踞  
廳城以北路之董教白堵為藩籬以西路之公鵝  
為肩背而以西南之反號茅寨為門戶扼險拒守  
蓋極嚴焉

卷上

四

都勻府

都勻府古西南夷地元都雲軍民府明初曰都勻  
衛在貴州東南三百里都勻縣附之城南七里  
都勻河亦曰馬尾河自西來會者曰龍潭河山川  
環峙控扼苗蠻府境羊獯苗大都瀕河以居其依  
山為險者則牀犵夷也



麻哈州

麻哈州元犵狁長官司地西北樂平溪下流經城  
北入於猪梁江夾溪而居者紫薑苗也

卷上

五

獨山州

獨山州元獨山蠻夷長官司地以州南獨山而名  
在都勻府百五十里州境短裙苗亦曰狝家苗雍  
正內附添設州同分駐三角屯亦藉以資控制云



八寨廳

八寨廳在都勻東南九十里理苗同知駐之山溪深阻蠻夷環伺曰八峒苗曰千家苗曰九門苗其種類蓋不一也

卷上

六

丹江廳

丹江廳据九股河上游為都勻通判城西距府百六十里苗疆深阻之地城北為丹江西北曰大丹江自城東南流入者曰小丹江下流合九股河入於清水江其居大丹江者為大丹江苗居小丹江者為小丹江苗又有曰高坡苗一其婦女以木板尺許縮髮亦謂之頂板苗一難溝苗錯處於東北高坡難溝之間良莠不一咸豈向苗亂楚軍由台



拱進駐難講克連城堡猫鼻嶺龍塘腰營分兵襲  
排羊巖寨烟墩排洛烏向九擺空裨白高喬高直  
抵廳城城遂克蓋據其東北之勢矣

卷上

七

都江廳

都江廳亦都勻通判城為水家苗地置官控制有  
上下江之分由諸葛營而西為上江設上江營古  
州副將主之由諸葛營而東為下江則黎平通判  
駐焉



黎平府

黎平府漢武陵郡南境明初為蠻夷軍民長官司地南奉縣附之在貴州東南千里錯湘接粵為蠻夷環伺之區域南寶帶山綿亘二十餘里繞城西北皆屬山麓城北有井泉魚遊上下群戒勿取俗傳有神司之取輒不祥亦苗人信鬼之說也

卷上

八

古州廳

古州廳元古州八萬洞長官司地今為黎平同知分治之所在府西南百八十里古州鎮貴東道駐之西南古州江源出獨山州經三角屯迤都江廳過城南東合車江洛江入廣西境即古豚水一名牂牁江由都勻而來自三角屯舟行至廳約水程三日漢武帝伐南越發夜郎精兵下牂牁同會番禺即此廳屬多蠻夷曰梅得苗曰斧頭苗曰八高



古州苗皆獠悍難治雍正尚蓋嘗用兵焉

卷上

九

永從縣

永從縣唐溪洞福祿州在府東南六十里縣境多  
狗苗素稱頑梗曰六洞曰四脚牛尤為獠悍六洞  
逼近縣城即名六寨曰皮林曰灑洞曰頓洞曰溶  
洞曰貫洞曰龍團是也四脚牛毗連湘粵曰水口  
曰南江曰古邦曰高巖是也其在四脚牛東北境  
有曰草坪曰平番曰洪州曰巖峇曰灣峇曰平架  
曰九江則又謂之外八洞矣



印水

印水在鎮遠東南八十里即十五洞蠻夷長官司地元之印水縣也距清溪縣約百里鎮遠縣丞駐之四山高峻中拓平原其西八弓堡東北蕩洞堡東南得民堡皆犄角之地周瑛曰欲守鎮遠宜經營印水生苗接踵防禦最切同治間楚軍援黔由清溪進駐其地而於是步步深入竟厥全功用兵苗疆必扼之要也

卷上

十

凱理

凱理据清水江上游本牂牁蠻地元置凱里蠻撫司今為清平分縣西北距縣城五十里中有平原周廣約二里東路方索坡東南蒿支坪開懷屯西南牛角坡皆苗夷出沒之路咸豐間苗酋金大五叛魏召悍黨据為窟穴吳丹江台拱各苗互為聲援楚軍攻克留兵戍之



勝秉

勝秉即施秉蓋縣地在清水北岸距施洞口七里  
今為施秉縣丞分駐之地雍正十年台拱苗渡江  
焚蓋施秉縣即此土人呼為老縣為苗夷互市處  
月以三七相逼每歲七十二市

卷上

七

寨頭

寨頭在印水東南三十里兩山高峻中央深溪咸  
豐向苗叛依險營窟旁近四十八寨悉恃之以為  
固同治七年楚軍由印水進拔其寨移營屯之外  
通軍報內察賊情因地經營稱扼要焉



施洞口

施洞口在鎮遠府南六十里台拱轄境後倚高山前臨清水江中饒平衍周數里八棟峙西面偏寨附其東沙灣巖脚巴園平地營蔽其前九股河依其後向為苗疆一大市會人烟繁雜設黃施衛千總駐之咸豐間苗酋張臭迷楊大六等四出為寇而以偽黔興王張報九守之楚軍進據金鐘山逼近清水北岸揭流而拔其巢遂得東取台拱西南

卷上

十一

復丹江凱里西北而疏通驛道者地利之扼其要也



鼓樓坡

鼓樓坡在鎮遠府南為施洞口出鎮遠必經之路  
岡阜重複四面斗絕其上平廣可容萬人由鎮遠  
南行經五里坳過牙溪至斑竹哨循嶺而登約二  
十五里苗疆有事戍守切焉

卷上

十一

新城

新城四面皆山在清水北岸為施東屬境距施洞  
口三十餘里涼傘屯峙城東北黃岑高店屹據城  
西四五里之間城右沿清水江上下七八里又有  
寨胆竹林平寨鯉魚塘銅鼓塘互相犄角竹林寨  
者苗酋色大肚窟穴也咸豐間苗亂龍老金龍整  
引色大肚等酋先後據此皆恃涼傘屯為險乾隆  
間用兵數月始下蓋制要之處也同治八年楚軍



由頭道水進襲攻破涼傘屯連拔黃岑高店城乃  
克相近竹林並平南三角田等寨均一日平之

卷上

五

雷公山

雷公山深在苗疆為台拱清江丹江麻哈凱里古  
州八寨交界之地綿亘二三百里曰冷竹山曰烏  
東山曰野雞山曰黃楊山曰尖山疊嶂重密皆是  
山支阜向為生熟苗逋之藪乾隆初色利紅銀茅  
叛經略張廣泗遣兵圍勦窟穴一空同治間苗酋  
張奧迷等敗於楚軍竄伏山左右之南刀聽洞九  
眼塘燕子窠雷公坪排羊大塘等處旋經楚軍追



擊聚殲烏推坡敗餘之首又復乘隙潛匿捕數年  
始靖其間林木幽深霾霧滃鬱水寒土軟人跡罕  
至即昔所稱牛皮箐也

岑松

岑松在寨頭西十二里距清水江二十餘里渡江  
而達台拱祇三十里上倚峭壁下俯懸崖橫阻深  
溪最稱險固咸同間苗酋盤据台拱垣以此為外  
險西南牛尾坡其尤要也



棘子寨

棘子寨在台拱廳北繫臨清水江南岸山勢雄峻  
寨踞山巔四面峭絕只東北有鳥道盤折而上用  
兵攻襲最為艱險

羊彝

羊彝在施洞口西南三十里距台拱城約五十餘  
里後倚高山形勢險絕咸豐間苗酋楊酉洋助金  
大五為亂以黃泡貴裁屯朗桐子壘墩養垢老藏  
昂倒白耶翁省沙邦等寨為門戶而吳凱塘凱哨  
地武鉞廠火燒寨山兩互為犄角賊強地險負固  
多年凱哨者金大五窟穴也同治八年楚軍由施  
洞口循長灘後山騎梁而進攻拔山兩分兵別取



凱塘凱哨以殺其勢乘夜撲之寨始平

卷二

十一

火燒寨

火燒寨在凱里東南三十里依山逼澗形勢險扼  
咸豐間苗酋金大五叛糾聚悍黨據為老巢以排  
生茅草坪為外險以麥哨白巖均為內險同治九  
年楚軍分兵襲擊一取排生進白巖均一取茅草  
坪進麥哨別遣將出泡溪轉而上攻寨乃下相近  
排敢白哨羊條嶺羊甘上下塘斬甕小坵告交甕  
白地武屯上屯甕堆苦竹寨毛里坪翁岑等數十



峯皆以次毀之遂越方索坡而抵凱里

卷上

六

猴子嶺

猴子嶺在凱里東十五里為施洞口赴凱里必經之路山勢陡絕惟一徑僅尺許曲折而上真有一夫之萬人莫用之險



烏騷

烏騷在丹江東南咸豐間張興逆亂寨苗起而應之附近之南燒擺尾鼎鐘翁南巖翁香排級戶里南里排堯數十寨並廳城東北之連城堡貓鼻嶺龍塘腰營白壁十餘寨皆相響應楚軍至先拔烏騷乘勝平毀各寨遂克廳城計一日之間掃蕩四十餘里云

卷上

十九

貓貓坡

貓貓坡在台拱西北為施洞口赴台拱必經之路山勢陡峻烏道懸崖異常險阻咸豐間苗首張興逆妻老拉等盤踞廳城築卡拒守楚軍由施洞口趨至出奇冒險奪卡而登遂越坡取埧場巖寨直逼巫堯破斬畢白洞巫相養哨斬牙而別遣將由清水北岸渡河進新寨攻羊屯南甘厚蒙夾脚養院烏弄巫溝合攻琴邦交農南隴南岡交也襄岡



排望分兵取西南之南者腰隴朗登上甘桃堯巫  
登南冕南堯風臺坪南冬桃瀨桃者等百餘寨  
而台城之勢以孤

卷上

二十

馬溜坡

馬溜坡在台拱城西數里絕巘深溪羊腸一線苗  
酋据守台城恃為內險楚軍既平各寨由排望進  
取分兵繞南隴繼進奮力搶登苗悉退入廳城乘  
勝直逼城下城遂克之



香爐山

香爐山在清平縣東南屹立凱里之西形如香爐  
高萬仞盤旋而上有田井可容數萬人明季苗酋  
韋同烈阿何等作亂嘗據為險咸豐間苗叛有稱  
梭衣王者盤踞其巔川軍圍攻經二年始下

高坡

高坡在丹江東南為高坡苗地橫亘清台丹古之  
間為台拱赴丹江要路曰南工交工曰市登曰烏  
裸曰交向曰望岡曰台雄曰斬照曰翁細曰交隴  
曰交密曰烏岡曰計刀大小百餘寨皆其種類岡  
迴洄複地勢深阻苗酋小播五據之同治間楚軍  
進拔台雄既克交向乘勢平毀各寨而小播五乃  
懼率都以苗薙髮降誓取八寨以自效焉



黃茅嶺

黃茅嶺在台拱南境為丹江左腋四山高峻中有  
平田左右嶺麓苗寨環居同治間台拱城克苗酋  
張臭迷姜老拉等集黨據之分屯燕子窩結連桃  
窰烏瀨紙廠烏東格頭排教健哨羊坵等寨悍苗  
憑險抗拒復築堡於桃窰以為前蔽楚軍分兵進  
襲苗敗遁復攻永定堡連破建著再湧羊腊紅屯  
堡固祿烏祿蓮花滂咱刀銅架紅猛烏疊司囊猛

卷上

三

石猴汛長峯堡等七十餘寨數日之間掃蕩百三  
十餘里

苗疆聞見錄卷之上終